

Na osnovu Zakona o principima lokalne samouprave („Službene novine Federacije BiH“, broj: 49/06 i 51/09), Statuta Grada Visoko („Službeni glasnik Grada Visoko“, broj: 10/21), člana 21. stav 1. Odluke o privremenom korištenju javnih površina na području grada Visoko („Službeni glasnik Grada Visoko“, broj: 7/25), Programa o utvrđivanju novčanih naknada za privremeno korištenje javnih površina na području grada Visoko za 2026. godinu („Službeni glasnik Grada Visoko“, broj: 3/26) i Zaključka o oslobađanju plaćanja novčane naknade za privremeno korištenje javne površine u vrijeme trajanja manifestacije „Dani kulture, trgovine i sporta – Visočko ljeto“ za 2026. godinu („Službeni glasnik Grada Visoko“, broj: 4/26), Grad Visoko putem Službe za finansije, privredu, poslovne prostore i ekonomski razvoj objavljuje:

JAVNI POZIV

za podnošenje zahtjeva za privremeno korištenje javnih površina
u toku održavanja manifestacije „Dani kulture, trgovine i sporta – Visočko ljeto“ za 2026. godinu

I Predmet Javnog poziva

Predmet Javnog poziva je privremeno korištenje javnih površina u toku održavanja manifestacije „Dani kulture, trgovine i sporta – Visočko ljeto“ za 2026. godinu.

II Poziv za podnošenje zahtjeva za privremeno korištenje javne površine

Pozivaju se sva zainteresovana pravna lica registrovana za obavljanje određene djelatnosti i fizička lica koja imaju odobrenje za obavljanje djelatnosti da podnesu zahtjev za privremeno korištenje javne površine u vrijeme trajanja manifestacije „Dani kulture, trgovine i sporta – Visočko ljeto“ za 2026. godinu (u daljem tekstu: manifestacija), i to u periodu:

Dani kulture i sporta od 21.07.2026. do 25.07.2026. godine,
Dani trgovine u periodu od 27.07.2026. do 02.08.2026. godine.

Podnošenje zahtjeva za privremeno korištenje javne površine vrši se na propisanom Obrascu sa prilaganjem potrebne dokumentacije, uz uplaćenu taksu u iznosu od 15 KM na račun broj: 1990470004018370; Primalac: Budžet Grada Visoko; Vrsta prihoda: 722131.

Obrazac zahtjeva se može preuzeti u šalter sali Grada Visoko, svakog radnog dana od 07:30 h do 16:00 h, ili na službenoj stranici Grada Visoko.

Zahtjevi se podnose od dana objave Javnog poziva na službenoj web stranici Grada Visoko, a mogu se uputiti putem pošte ili predajom na protokol Grada Visoko, Službi za finansije, privredu, poslovne prostore i ekonomski razvoj, adresa Alije Izetbegovića br. 12 A, najkasnije do 20.07.2026. godine.

Zahtjevi koji se podnesu nakon 20.07.2026. godine biće razmatrani i obrađeni ukoliko bude raspoloživih kapaciteta – javne površine.

Tokom trajanja manifestacije učesnici su dužni da poštuju odredbe Zakona o unutrašnjoj trgovini FBiH („Službene novine FBiH“ broj 87/24).

III Lokacije za održavanje manifestacije

Manifestacija se održava na sljedećim lokacijama:

a) Kulturni i sportski događaji:

- Trg ispred Zanatskog centra u ulici Čaršijska,
- Plato ispred KC Altindag,
- Park Ada,
- Ulica Alije Izetbegovića,
- Trg u ulici Alije Izetbegovića (pored zgrade ZK Ureda),
- Trg u ulici Matrakčijina (iza zgrade Gradskog kina),
- Plato ispred KSC Mladost.

b) Dani trgovine:

- Ulica Čaršijska – mogućnost postavljanja prodajnih pultova, šatora, pagoda ili paviljona imaju **isključivo vlasnici** trgovačkih i obrtničkih radnji u ulici Čaršijska ispred svojih poslovnih objekata.
- Ulica Čaršijska – mogućnost postavljanja ljetne bašte na lokaciji ispod Bijele džamije i platou ispred Zanatskog centra imaju isključivo vlasnici ugostiteljskih objekata u ulici Čaršijska.
- Ulica Alije Izetbegovića – šatori, pagode ili paviljoni se postavljaju na označena parking mjesta od PC Vizija do kraja zgrade ZK Ureda, te dalje do zgrade Pošte na asfaltnoj površini (saobraćajnici), i suprotnoj strani ulice Alije Izetbegovića na mjestima na kojima to dozvoljavaju zakonom propisani uslovi (omogućen prolaz vozilima hitnih službi, pristup javnim objektima, pozicije urbanom mobilijara, blizina staklene ograde).
- Zabranjuje se postavljanje šatora, pagoda ili paviljona na trotoare.
- Prednost dodjele lokacije za postavljanje šatora, pagoda ili paviljona imaju podnosioci zahtjeva (vlasnici trgovačkih i obrtničkih radnji) čiji objekti posluju uz predmetnu lokaciju u ulici Alije Izetbegovića.
- Parking prostor pored Sparkasse Bank d.d., u ulici Alije Izetbegovića – postavljanje stolova ili tezgi za prodaju prehrambenih proizvoda na način propisan ovom Odlukom.
- Plato ispred PC Vizija i parking prostor u ulici dr Džananovića – postavljanje stolova / vitrina za prodaju suhomesnatih i gotovih pečenjarskih proizvoda.

IV Vrsta opreme, uređaja i inventara za održavanje kulturnih i sportskih događaja

- (1) Tokom održavanja kulturnih i sportskih događaja može se koristiti oprema, uređaji i inventar isključivo za datu namjenu (bina za izvođenje zabavnog programa, sportska oprema, projektori, stolice za posjetioce i slično).
- (2) Oprema, uređaji i inventar iz stava 1. ovog člana moraju biti ispravni, redovno se održavati, što podnosilac zahtjeva dokazuje prilaganjem naophodnih atesta prilikom podnošenja zahtjeva za izdavanje odobrenja / rješenja o privremenom korištenju javne površine.
- (3) Podnosilac zahtjeva je uz zahtjev dužan priložiti ovjerenu izjavu o preuzimanju odgovornosti za sve posljedice prouzrokovane kvarom, nepropisnim postavljanjem, korištenjem i upravljanjem opreme i uređaja.

V Način izlaganja robe u vrijeme trajanja dana trgovine

- (1) Roba se izlaže unutar šatora, pagoda ili paviljona u bijeloj, bež, krem ili sivoj boji, koji ne smiju sadržavati oznake ili reklamu proizvođača ili distributera, zatvoreni sa tri (3) strane, maksimalne dubine 2,75 m i maksimalne dužine 2,80 m.
- (2) Priprema i prodaja prehrambenih proizvoda se vrši na natkrivenom ili nenatkrivenom prodajnom slobodnostojećem pultu, stolu ili pokretnoj tezgi, koje obezbjeđuje JKP „Gradska groblja“ d.o.o. Visoko.
- (3) Gotovi suhomesnati i pečenjarski proizvodi se izlažu i prodaju na natkrivenim ili nenatkrivenim stolovima za prodaju montažno-demontažnog i otvorenog tipa. Minimalna visina stola je 90 cm iznad terena. Stolovi moraju biti izrađeni od materijala koji zadovoljava sanitarno-higijenske uslove tokom korištenja i održavanja.
- (4) Ukoliko se mobilijar za izlaganje i prodaju robe postavlja sa obje strane ulice, prostor za prolazak hitnih vozila i pješaka mora biti minimalne širine 3 m.
- (5) Podnosilac zahtjeva ima pravo tražiti privremeno korištenje više označenih jedinica javne površine, odnosno spajati dvije (2) ili više jedinica.

NAPOMENE:

Ukoliko nadležna Služba, a na osnovu zaprimljenih zahtjeva i kapaciteta raspoloživih jedinica, utvrdi potrebu drugačije raspodjele jedinica iz tačke V stav (5) Javnog poziva, zadržava pravo drugačije raspodjele istih.

Dozvoljava se isključivo montaža i postavljanje tipskih objekata (šatora, pagoda ili paviljona), odnosno zabranjuje se „kovanje“ i improvizacija istih na licu mjesta.

VI Visina novčane naknade

- (1) Visina novčane naknade za privremeno korištenje javne površine radi izlaganja i prodaje robe u šatorima, pagodama ili paviljonima u vrijeme trajanja manifestacije:
330,00 KM za jednu prodajnu jedinicu za vrijeme trajanja manifestacije,
140,00 KM za jednu prodajnu jedinicu ispred vlastitog poslovnog prostora za vrijeme trajanja manifestacije,
280,00 KM svaki naredni štand ispred vlastitog prostora za vrijeme trajanja manifestacije.
- (2) Visina novčane naknade za privremeno korištenje javne površine radi izlaganja i prodaje prehrambenih proizvoda na stolovima ili tezgama:
50,00 KM za jednu prodajnu jedinicu za vrijeme trajanja manifestacije.
Novčana naknada se odnosi na privremeno korištenje javne površine, dok novčanu naknadu za korištenje inventara (natkriveni ili nenatkriveni prodajni slobodnostojeći pult, sto ili pokretna tezga) privremeni korisnik javne površine plaća JKP „Gradska groblja“ d.o.o. Visoko u skladu sa njihovim internim aktima.
- (3) Visina novčane naknade za privremeno korištenje javne površine radi izlaganja i prodaje suhomesnatih i gotovih pečenjarskih proizvoda na stolovima / vitrinama:
330,00 KM za jednu prodajnu jedinicu za vrijeme trajanja manifestacije,

VII Oslobođanje plaćanja novčane naknade

Gradsko vijeće Visoko Zaključkom broj 02/1-02-161/26 od 25.05.2026. godine oslobađa plaćanja novčane naknade za privremeno korištenje javne površine u vrijeme trajanja manifestacije „Dani kulture, trgovine i sporta – Visočko ljeto“ za 2026. godinu:

- a) Organizatora manifestacije JU „Centar za kulturu, sport i informisanje“ Visoko,
- b) Fizička lica koja imaju odobrenje za obavljanje djelatnosti na području grada Visoko za koju se traži korištenje javne površine, a koji su pripadnici porodica šehida i poginulih boraca i RVI,
- c) JU Zavičajni muzej Visoko u cilju promocije i održavanja edukativnih radionica,
- d) Vispak d.d. Visoko u svrhu postavljanja bosanske džezve.

Predstavnici kategorije iz podtački b), c) i d) mogu koristiti isključivo jednu jedinicu na lokaciji koju odredi Služba nadležna za poslove upravljanja gradskom imovinom u periodu od 27.07.2026. godine do 02.08.2026. godine.

NAPOMENA: Kategorije koje su oslobođene plaćanja novčane naknade dužne su podnijeti zahtjev za pribavljanje rješenja / odobrenja za privremeno korištenje javne površine u vrijeme trajanja manifestacije.

Služba za finansije, privredu,
poslovne prostore i ekonomski razvoj
p.o. pomoćnik Gradonačelnika Suada Koljenović